

雲南通志

藝文十

五言律

七言律

五言排律

七言排律

五言絕

七言絕



五言律詩

卷之十

日下雜詩

唐

南中寄皇甫待御

賈島

曉鐘催早朝自是赴嘉招  
舟泊湘江濶田收楚澤遙  
鴈驚起衰草猿渴下寒條  
來使黔南日時應問寂寥

送雍陶入蜀

賈島

江山事若諳那肯滯雲南  
草色分危磴杉陰近古潭  
日斜褒谷鳥夏淺鶴州蠶  
吾自疑雙鬢相逢更



不堪

送裴璋還蜀

雍陶

家在劍南外新年音信稀  
自為千里客已送幾人歸  
陌上月初落馬前花正飛  
離言殊未盡春雨濕征衣

宋

得南中山呼鳥

蘇軾

終日鎖筠籠回頭惜翠茸  
誰知聲噓噓亦是意重重  
夜宿烟生浦朝鳴日上峰  
故巢何處是鷹鷂豈

能容

明

晚入五華山

胡粹中

向晚歸幽寺明霞飛遠林  
四山新雨歇一徑綠苔深  
松老齊僧臘泉鳴扣梵音  
堦前兩馴鹿去住任禪心

山居

郭文

小樓涼氣滿獨坐解餘醺  
野外烟光合虹邊雨勢分  
渡舟喧過客漁網晒斜曛  
何處青山寺鐘聲出



白雲

望楊林澤

蘭 茂 楊林

秋水涵空濶登樓雨霽時山低月上早風細浪生  
遲鳧鴈棲難定漁龍勢莫窺何人舟一葉撐破碧  
琉璃

初入滇關二首

失 名

蒼然平楚望云是古滇疆白日開南徼青天豁大  
荒河山猶內地花柳自殊方吹盡浮雲色雄風萬  
里長

又

一出夜郎道纔看曉日生風聲連海壯地勢入滇  
平氣色開金馬烟花滿石城寄言張博望此去可  
橫行

天井舖

督學 童 軒 鄱陽

偶坐炎方客來披六月裘山高赤日薄樹老白雲  
留聽瀑全疑雨臨風絕勝秋煩心如到此何必玉  
壺遊

鶴慶道中

童 軒



巖深多險阻馬足正凌兢  
暝雪依巢鳥斜陽歸寺  
僧林踈鳴敗葉澗古積  
堅冰去去無辭遠荒山  
又幾層

公署漫興

巡按唐龍蕭緒

亭上鶯花老風光轉芰荷  
如何春日裏都向客鄉  
過遠海波聲少近山雲  
氣多醉中時慷慨不敢  
向人歌

又

洞門鎖清晝一徑落花深  
把酒對山色讀書隨樹  
陰田園荒舊業公菊憶  
初心細草江城暮愁聞  
鷓鴣吟

圓通寺

唐龍

物外暫招尋惟聞鐘磬音  
松蘿栖梵影水石定禪  
心雲去蒼崖濕僧歸紫  
逕深滇池風雨至正好  
聽龍吟

滇池泛舟見新鴈

楊慎

忽見行行鴈來應自故鄉  
天涯多少路雲際幾番  
霜滇水饒葭菼禹山足  
稻梁金河亦休戀無限  
塞



弦張

遊法華寺晚歸再飲遙岑樓 楊慎

羅綺絆山遊雲林意轉幽苔愁金屐齒花妬錦纏頭  
陽燄紅將斂晴嵐翠欲流清樽興不盡邀月坐  
岑樓

滇南卽事

都督沐璘定遠

謾說滇南俗人民半雜彝管絃春舍早燈火夜街  
遲問歲占雞骨襍凶瘞虎皮輪車巡歷處時聽語  
侏儻

蒲縹驛

林俊

草亭動孤酌日斂瘴煙昏老屋因風卷清溪帶雨  
渾桴鼓新聲在山甌古意存葦門通細火漁唱起  
江村

自蒲縹驛赴龍川

姜忻豫章

凌晨發蒲縹向夕憇龍川渡口水初落山頭花已  
然邊城閒戍鼓墟里起炊煙更聽輿人語村村大  
有年

過蒲陀崕

姜忻



蒼洱西頭路秋來幾往還一村三度水十里九重  
山僧寺多依嶺人家半雜蠻廿年成底事巖險苦  
躋攀

遊華亭寺

布政郭 斗昆明

出郭地逾靜尋巖徑轉深村煙浮遠樹瘴雨結遙  
岑真境無人到空門有客臨長吟待明月杯酒借  
同心

入滇

張時徹四明

天邊乘傳客歷險到殊方草長知烽息民流屬歲  
荒巖花薰澗壑木葉墮衣裳何事秋風起愁看白  
髮長

又

山路日多雨我行猶未休碧溪雲不定青草瘴仍  
浮客久旌旄落天空鸛鶴秋卜居何以賦長嘯攬  
吳鉤

白水驛和魏道冲韻

張瑞圖

策馬臨荒甸前旌度渺茫空山足霧雨絕徼異陰  
陽處暑偏衣冷方秋覺夜長亦知行尚遠未敢念



江鄉

遊羅漢寺

光祿少卿施昱昆明

一到諸天上秋風覺更涼  
桂花飄合殿松影匝廻廊  
路折山環翠泉流石噴香  
真成幽絕處塵慮與俱忘

送施二華之任滇南叅帥

戴燦

鵲印新恩重熊車熟路輕  
千盤辭劍閣萬里赴昆明  
明膽落烏蠻洞風清驃騎營  
天威息兵甲一曲繼南征

高曉登舟

閃應雷永昌

湖光三百里一棹界中流  
碧漢銜波動青山拍鏡浮  
葦烟迷鷺渚篙月掛魚舟  
不待逢搖落蕭蕭六月秋

暮春東臯晚眺

孟富山陽

連朝來好雨新水漲平溪  
紅濕花粘徑綠肥菜長  
畦春殘鶻叫切風軟燕飛低  
偶向晴郊眺牛犂下日西

望中和山

張佳印



雲南通志 卷之二十九  
古城東北望蒼翠隱芙蓉臺殿星辰近雲門日夜  
封紫煙和瘴癘大壑度霜鐘寄謝緱山侶將因跨  
白龍

遊九十峯深處

土知府木公麗江

探幽遠入林僻徑轉難尋雲漏斜暉影山藏古雪  
陰蕙蘿懸樹密潭水出硤深此地無人到寒猿日  
自吟

懷古

副使萬嗣達

險箐維千里重關抱九隆流沙神禹跡越析舊唐  
封蜃氣蛟河重龍珠鶴嶺雄萬年當鎖鑰一柱表  
崆峒

過祿豐

督學方沆莆田

千山開井邑隴畝報年豐籬落晴烟外檐帷嶺樹  
中踈花秋自發絕壁路仍通凄斷登臨恨閩雲半  
畝宮

龍尾關天生橋

方沆

蒼嶺青未了寒烟野戍平危梁通地脉削壁類天  
成霜色孤鴻暝濤聲萬馬行昔年曾割據形勝控



榆城

登葉榆城

參議馬時可 吳郡

命駕初尋寺沿城更上樓白雲爭岫起碧水與天  
浮汗漫遊應遠蹉跎歲且秋長安何處望佇立思  
悠悠

楚雄道中

李本固

山行亦不惡踈雨夜來過祇覺峯巒秀誰云瘴癘  
多人家依水竹僧寺隔烟蘿越嶺分林莽遙聞伐  
木歌

冬日行部鶴慶道中

謝肇淛

高山復深谷盡日斷人行削壁藤蘿路崩湍風雨  
聲瘴烟侵馬病伏石澗輿驚百里斜陽外迢遙見  
斗城

送謝在杭叅滇藩

曹佺 閩人

萬里滇南國迢迢使節臨親朋稀見面彝漢共傾  
心有水皆名海無花不作林碧雞金馬跡到日一  
搜尋

圓通寺和石壁韻

王琦 昆明



陸嶺峙山陰龍江帶郭臨晴峯來野色秋日澹塵  
心愛石搜荒徑摩巖續舊吟天風驚殿角別是一  
清音

過路旬

參議 彭翮健 鶴湖

歌哭皆無地乾坤路未通身留多難後家在亂雲  
中溪水春來漲羈懷老漸空不知天下士猶有幾  
人雄

本朝

奉委踏田卽事

知府 張聯箕

初晴笛韻遠秋爽柳風斜偶憇山僧院閒過種竹  
家遶籬瓜瓠葉夾道刺桐花履畝勞田畯停車一  
啜茶

澂江卽事

張聯箕

天涯殊節序物候亦逢時鳳尾攢新露雞壇剝細  
脂薯甘嘗夏果收苦供秋炊一夜涼風起悠然故  
國思

題楊升庵太史祠

按察 許弘勳 千山

盈廷爭大禮頓覺縉紳空竄謫原無筭芬芳獨有



公撼門承父志論統激宸衷贏得千秋後高曉廟  
祀崇

修禊日集諸友泛昆池

許弘勳

天朗湖風暢遊人往復回心涵春水濶興逐太華  
開捧劍爭傳勝流觴愧不才試看羅漢壁汗雨笑  
聲雷

又

湖靜春烟亂風恬晚浪平飄然觴咏樂頓悟死生  
輕絕巘遊人醉中流我輩清遲回白馬寺猶有按

歌聲

安寧曹溪寺

許弘勳

不識曹溪寺今探聖水池寶華連碧漢瓊宇落雕  
楣潮已無三候蟾何得一窺寥寥鐘簷外太史有  
豐碑

遊安寧溫泉用杜工部何將軍山林韻

許弘勳

尚記崎嶇路渾忘偏仄橋澄清泉見底和暖氣衝  
霄寅采侵晨別中丞昨夜招籃輿高復下抵暮不



知遙

又

隔嶺千畦曲長河一線清沙晴嬉野鷁柳嫩顫新  
鶯飽後泉堪浴香來菜作羹翛然神氣爽端不負  
斯行

又

巷窄柴門隘河干毳幕支羣芳攢左右雙燕舞差  
池却病何容易延年恐未知華清寧浪詡春氣正  
紛披

又

棟宇依山脚雲根吐水花莫因室擁霧及道穴藏  
蛇水爍靈砂暖源從太液賒熱腸與冷眼洗滌各  
爲家

又

一塵全不染萬慮豁然開濺沫珠爲玉甃塘石類  
梅詩情隨水逸酒興逐泉來移足澗深處肌毫映  
碧苔

又



大史題三字安寧第一泉村荒石未冷閣迥岫長  
綿水面深過頂兒羣戲拾錢班荆隨意坐桃李艷  
前川

又

浴罷船輕放風來梨暗香激流輪轉速引水漑田  
涼深柳沿溪豁通天老洞藏岸邊閒眺矚烟霧鬱  
蒼蒼

又

幾番思假沐十里任溫池行李惟如意書笥貯接  
離高天飛燕子急溜網魚兒祇覺西山暮歸樵與  
牧隨

又

日暖全無霧天陰散作雲方塘鋪碧玉粉壁嵌奇  
文游屐趁春曉題詩每夜分試看軒牖外童叟浴  
紛紛

又

風捲毡廬動其如驟雨何夙塵淘汰盡幽意轉添  
多醉月尋佳士聽松且放歌秋期猶有約再向石



淙過

昆明石城

許弘勳

位置全如邑門陰  
薜荔長舉杯堪累日  
割地占昆陽  
潭水流山麓  
梅花照女墻  
吾思卜小築  
投老作雲莊

題鳳山諸洞

叅議 畢忠吉 益都

繞徑層層曲排空  
路路幽誰將混沌鑿  
不遣綺霞收  
天造潛盤境  
人疑聚窟洲  
窮探覓仙侶  
雲竇儘淹留

滇境

督學 吳自肅 海豐

纔入滇南境  
隻眸分外明  
諸巒環秀色  
芳樹帶文情  
亂後民風儉  
秋來野氣清  
相看初攬轡  
何敢負生平

遊水目山

吳自肅

名山勞夢寐  
紆徑此來遊  
遠指層崖樹  
斜盤斷壑流  
到門諸籟發  
入座一龕幽  
不用深相欵  
塵蹤自許留

滇中襍詩

吳自肅



彝雞呼佛號龍女獻仙花地僻金蟾隱天高石燕  
斜危橋流黑水毒瘴發紅霞市上無奇貨檳榔與  
普洱茶

學海晚眺

丁煒

晚風吹緩帶涼意滿山城夕照涵波動嵐烟隔樹  
平馬嘶漁笛亂燕掠釣絲橫偶爾忘喧寂題詩散  
旅情

晚照庵

通判周蔚  
滁州

驛路尋僧舍行來聽午鐘鳥啼三月逕門掩隔溪

峰日影搖疎竹濤聲亂遠松深堂詩句好吟處伴  
幽蛩

遊靈鷲山

知縣李銓  
三韓

不盡登臨興崎嶇過化城鷲巖僧獨立鳥道鹿偕  
行霧鎖千山暗門開萬壑平林深常若雨何以辨  
陰晴

湧泉寺

顧問  
嘉定

衰草迷荒徑行行到石巔那知黃葉寺止見白雲  
天戀日孤僧老分流野菜鮮徘徊遺蹟處曲水斷



還連

苾湖漁村

李崇階 浪穹

偶步城東路詩情滿一湖長橋橫古柳小艇掉新  
蒲野曠烟疑水村伍屋類鳧就中誰寫得半幅輞  
川圖

送客回滇

唐泰 晉寧

此去堪消息垂楊響杜鵑扁舟渾不定兩鬢已蒼  
然江上故人酒雨中寒食天况兼烽火急何處問  
吾滇

帶湖山樓

闕福兆

平生最愛水一碧與天通雨氣失煩暑晴光得太  
空廠簾飛海燕高枕入冥鴻疑是嚴灘上千秋老  
釣翁

又

牛首何年別鴛湖幾度過梅黃江上雨蓮淨浙西  
歌樓閣烽烟少雲山醉舞多一傷千里目空自傍  
漁簑

七言律



唐

都慶觀

杜光庭 青城

三仙一一駕紅鸞仙去雲間遠古壇煉藥舊臺空  
處所掛衣喬木兩摧殘清風嶺接猿聲近白石溪  
涵水影寒二十四峯皆可隱振纓長往亦何難

仙居觀

杜光庭

往歲真人朝玉皇四真三代住繁陽初開九鼎丹  
華熟繼躡五雲天路長烟鎖翠嵐迷舊隱池凝寒  
鏡貯秋光時從白鹿巖前去應許潛通不死鄉

鴻都觀

杜光庭

亡吳霸業已功全深隱雲林始學仙鸞鶴自飄三  
蜀駕波濤猶憶五湖船雙溪夜月鳴寒玉衆嶺秋  
空歛翠烟也有扁舟歸去興故鄉東望思悠然  
元

送述律元帥開闢越嶲

泰普華

西南形勢自天開付託還須上將材  
卽棘幾年來  
蒟醬渥洼今日得龍媒雲邊小隊旌旗發花底元  
戎號令催歸去弓刀懸畫戟好將詩句佐春杯



送楊耀卿使雲南

李材

飄飄使節出金閨，郭隗臺前暫解攜。  
天入五溪無鴈到，地經三峽有猿啼。  
子雲舊里風烟在，太尉家聲日月齊。  
明夜客槎何處望，秋河迢迢碧雲低。

題河尾關驛壁

喬堅

蒼峯千丈玉槎牙，錦樹模糊噪晚鴉。  
濁水難將明月浴，好山多被亂雲遮。  
村江日落人爭渡，旅店年豐酒易賒。  
可是炎方風景別，深冬開遍野桃花。

明

遊太華

桂慎慈谿

昆明池上古招提，樓閣參差映碧雞。  
爲愛白雲分半榻，却隨明月過雙溪。  
風中松子窓前落，雨後詩篇石上題。  
如此清幽好棲泊，爲誰又渡石橋西。

通海湖

韓宜可山陰

江寒鳧鴈集汀沙，半掩柴門夕照斜。  
洞口烟嵐連野燒，城頭鼓角雜寒笳。  
猿聲常嘯林間月，鴉背輕翻樹杪霞。  
幾度扶筇翹首望，青山隱隱隔天涯。

遊太華

潘仁和州



天風吹鬢酒初醒太華峯頭且共登山色慣迎迓  
世客水聲常送渡溪僧定中雲去龍生鉢夢裡猿  
啼月在藤最愛石窓風雨過早涼先到讀書燈

和建文帝西粵途中

程濟

吳霜點點鬢毛侵不改惟餘匪石心作客歲寒應  
自久避人崖壑未曾深龍蛇遠逐知心少魚鴈依  
稀遠信沉回首金陵悲往事短筇高岫一登臨

太華寺

郭文

晚晴獨倚旃檀閣煙景蒼蒼一望開湖勢欲浮雙  
塔去山形如擁五華來仙遊應有飛空鳥僧去寧  
無渡水杯不爲平生仙骨在安能得上妙高臺

寄朱憲長致政

王守仁

百事支離力不禁一官棲息病相尋江湖魏闕星  
辰迥松竹茅茨歲月深欲擬黃精消白髮由來空  
谷有遺音曲肱已醒浮雲夢荷簣休疑擊磬心

九日黔國後園

何景明

汝南

何處風烟消客愁將軍臺榭枕山丘一年又過重  
陽日兩鬢空悲萬里秋水國陰多寒已至炎方霜



後瘴初收憑高欲送登臨眼更上池邊百尺樓

又

天空遠水明秋岸梧葉蕭森楓樹殘黃菊數從行  
處見紫萸獨向醉中看浮雲樓觀滇城暮落日山  
川熨道寒忽憶登高去年客慈恩湖閣共憑闌

寄黔國公

何景明

萬里山川開百粵十年戎馬暗三巴伏波銅柱衝  
炎塞橫海樓船出瘴沙鴻鴈不傳天北字瓊瑤空  
憶日南華飄飄奉使金門客目斷銀河八月槎

登螺峯四顧亭

賈惟孝

傑閣危臺枕翠岡天開圖畫引壺觴人生能得幾  
時健世事可憐終日忙雨過樹頭雲氣濕風來花  
底鳥聲香一春好景須行樂回首南橋空夕陽

高黎貢山

侯璉

高黎貢山花正紅千岫萬岫烟雲中險道名堯鎖  
眉黛絕巘突兀摩穹窿鶯聲鵲聲滿丹嶠遠色近  
色皆蒼松記取此景付彤管豪吟野眺生春風

宿下關驛書懷

童軒



西風吹冷思綿綿老去詩篇只漫傳  
半夜郵亭雞唱早十年岐路馬蹄穿  
梁王宮殿秋蕪裏黔國山河暮  
雨前薄宦驅人何日了欲將心事問蒼天

樣備道中

童軒

十載馳驅不暫休又銜君命到南陬  
涼蟬細雨疎槐晚疲馬西風落葉秋  
萬里有家恆作客一官多累漫成憂  
平生事業知何在孤負滄浪舊釣舟

寄楊洗馬王春坊

童軒

欲借征鴻問起居滿懷憂緒竟難除  
山中漫有非熊兆天上應無薦鷲書  
南國烟花淹杜牧上林詞賦擅相如  
迢迢千里空相憶愁絕殘鐘落月初

莫春呈貢縣作

童軒

一年春色已零星過眼韶光去不停  
風引飛花當硯落雨添芳草上堦青  
閒愁盡仗詩摧破清夢常嫌鳥喚醒  
試罷諸生無一事案頭時檢太玄經

分司偶成

林俊

天飈吹下紫宸朝獨馬衝嵐骨半銷  
是處黃昏餘路哭何方白日起童謠  
波濤滿眼蛟龍怒草樹千



山虎豹驕欲奉皇威被遐邇不知琴瑟待誰調

蘭滄江

朱應登

千尋鐵鎖貫長橋積翠浮天萬壑遙人向中流看  
砥柱路從平地入岵嶢未論文教開荒服已見彝  
民欵聖朝鳥語花明迎使節蘭滄江上瘴全消

崇聖寺

楊士雲

岑樓無礙倚虛空檻外平鋪十九峯霸業三分非  
漢鼎佛都千載有唐鐘林端細雨浮山黛天際微  
風變水容冠蓋于今能盡賦楊雄偏得號詞宗

題毛聚峯鳳韶重觀滄海卷

楊士雲

玉節重看下漢宮鐵冠萬里起霜風使星文彩三  
湘外卿月光輝六詔中司馬檄書猶入傳王褒賦  
頌漫稱雄澄清試看昆池水萬頃天光一碧同

青華洞

范淵 柳陽

青華天上一遊觀欲賦新詩點綴難洞口見花春  
未老石門畱月夜生寒古人有樂心先得造化無  
根此足看誰到昆池決天派不須重洗舊腸肝

又



疊疊青山望不窮  
青華洞口立西風  
羣公有句題  
多盡石磴無梯路  
亦通殊勝可人聞  
洱海深幽佳  
處更崆峒  
草花香帶南來雨  
行過短亭流水東

冬日宿羅漢寺

楊慎

霜林金碧迷青紅  
木葉蕭蕭澄遠空  
長湖洲渚亂  
吞吐上方樓殿森  
玲瓏廊僧暝  
汲怯寒溜舟子夜  
雨驚天風朝  
暎照檻堪一望  
羨爾冥冥高遯鴻

謁二忠祠

楊慎

學士文章懸日月  
尙書劍履上星辰  
九原松栢香  
臺夜雙廟莓苔影  
座清山鬼笑  
歌舉薜荔海童奔  
走薦芳蘋經過此  
地同揮淚  
况是江湖放逐臣

曹溪寺臥病喜禹山見訪

楊慎

安石登山攜漢妓  
維摩臥病對胡僧  
花宮夜氣清  
丹壑樹杪泉聲落  
翠層肯泛滄浪來  
寶筏還邀白  
日繫金繩  
清言寂寂傾蓮漏  
微月娟娟隱慧燈

海寶寺

楊慎

客行頻過古寧州  
此地初尋海寶遊  
漁父帆檣船  
作宅仙人臺榭石  
爲樓峯頭疑見長安日  
濯足真



誇萬里流圖畫眼前看不盡蓬瀛物外祇須求

同升菴遊海寶寺

陳表

焚魚學士滯南州海寶畱題紀勝遊鷺嶺烟寒分

碧嶂龍宮波靜照丹樓拾遺夔府詩長在太史戎

江盃自流興自山陰臨水得人于西蜀草玄求

送人之騰越

黎民表

北關秋風縮郡章單車人自識循良長途正渡蘭

滄水清吏休論寶玉鄉行笥護衣無越艷硯房稽

首有彝王漢家不事西南傲印竹無勞貢上方

百花寺

滕檳

石澗東風百種花百花深處見僧家鳳溪遶屋分

晴靄鷺嶺當窓落綺霞深院雨餘畱鶴跡小園日

夕散蜂衙前村後寨皆蒲蕙競向新春摘茗芽

進耳寺

張含

江海閒身得漫遊蓮宮一榻喜清幽湖窺水鑑頻

疑曙風度岩廊易作秋千里遮圍山勢合孤帆迢

遞海門收禽魚上下應無數獨羨安眠沙際鷗

寄楊升菴

張含



文章聲價輝東觀  
蹙鳳盤鴻霄漢間  
垂釣獸尋青  
雀舫趨朝湧憶紫宸  
班身棲滇海非爲客  
夢落巴山不當還  
江閣停雲一灑淚  
傷心遙望碧雞關

又

豪吟金馬復連然  
榻盡韋郎五色牋  
海上風烟俱作客  
天涯雲物自相憐  
松涼月坐華亭寺  
花暖春遊碧玉泉  
一別昆明池上路  
滔滔流水八經年

又

黃菊風微過草亭  
白醪香滿勝湘醅  
丁年去國憐蘓武  
投老還鄉羨管寧  
金馬樹寒清鶴夢  
蠶叢雲起見龍形  
虹橋北望傷心地  
江上霜峯晚更青

又

常於詞賦慕相如  
獨坐茅齋讀子虛  
觸眼塵埃隨燕雀  
憂時肝膽對樵漁  
猿啼巫峽遙牽淚  
鴈過衡陽不寄書  
畱滯烟波滇海客  
秋風秋雨十年餘

又

東都節譽青霄外  
西觀才名赤縣中  
流涕書傳推賈誼  
解嘲文在薄楊雄  
客中秋雨厨烟濕  
江上霜



楓樹葉紅遠地誰憐張仲蔚經年門巷長蒿蓬

又

劍閣星橋久滯還當歌對酒轉愁顏錦江雲鎖金花寺滇海波搖玉案山春盡中園啼鳥急艸添斜浦宿鷗閒好吹黃鶴仙人笛莫駕青牛柱史關

又

黑水蒼山薄太清長風落木動邊聲江湖寂寞魚龍臥關塞蕭條虎豹鳴錦里飄零唐杜甫紫臺畱滯漢蘇卿翺翺朱鳥雲霄外悵望遙天空復情

又

東觀聲名北斗齊鳳凰踪跡戍雕題八千里外潮陽馬十九年來海上抵銅柱蒹葭鴻雁響鐵城烟雨鷓鴣啼連宵數有懷人夢記得分明錦水西

又

三逕蕭條菊未開一書迢遞鴈初來遙瞻衛玠瑤瓊色尙想玄城鼎鼐才玉案春花魂欲斷錦江秋月夢頻回白頭把釣忘機客落日徒聞猿嘯哀

又



天涯踪跡歎殊方  
離夢中宵極渺茫  
子厚音書連百越  
屈原詞藻遍三湘  
青山落日江湖白  
赤塞愁烟樹木黃  
花隱禪宮孤月夜  
遲君同臥贊公房

又

二十三年滇海上  
此生端合老江湖  
碧雞金馬瘴鄉遠  
紫鳳蒼龍雲闕孤  
雪盡終歸典屬國  
詩成亦有朝川圖  
淹留已覺并州好  
莫嘆南荒歲月徂

又

錦城逐客棲滇國  
綠樹青霞遶戍樓  
字學名家推郭璞  
剡溪高興屬王猷  
極天關塞歸心迥  
深夜江湖遠夢浮  
二十四年金馬路  
海風山月不勝秋

題太華寺一碧萬頃樓

張含

滇國地形惟此最  
青霄樓閣迥招提  
山圍雉堞籠金馬  
海撼龍宮浴碧雞  
雲裏鶴巢松樹遍  
風前仙梵雨花迷  
諸天不在藤蘿外  
中夜起看星宿低

寄李中谿

任有齡

三臺一逕踏層雲  
蕭寺遙遙入望分  
掃葉烹茶憐魏野  
拋書調鶴羨茅君  
蒼崖雪色經年白  
洱水風



聲撤夜聞聽得年來談四部天花想已落紛紛

閱武

任有齡

旌旗聊爲試邊隅萬里炎荒入漢圖雲鳥正看橫  
紫塞秋鵬欲墮識黃須樹陰風颭分營柳劍氣光  
寒逼湛盧貢篚已開今日盛鑿池應嘆昔年迂

蒙化道中

任有齡

乘輶秋淨過山城薄試新羅日正晴路入雲中懸  
石磴水從林杪落溪聲霜清木葉猶餘翠鴈斷寒  
空欲自驚詢問古來蒙詔地慚無文檄諭蒼生

蘭澹橋

張佳印

疊嶺遙知萬馬愁蘭津西渡赤虹浮鼉鼉駕浪聲  
齊動鳥雀飛梁影竝收纜束長江標絕壁天懸雙  
鏡照中流當時漢卒勞歌地翻石於今作壯遊

自樣備趨金齒

張佳印

五月江聲走白沙沙邊石氣盡雲霞峯陰寒積何  
年雪瘴雨香生古樹花獨立南荒成萬里每憑北  
斗問三巴蘭津已說明朝渡絕域虛疑漢使槎

九日集圓通寺有懷

張佳印



並馬珠林金殿開兼天雲氣五華來黃花滿地他  
鄉色白鴈凌霜返照回短髮風前頻落帽愁心秋  
到起啣杯不知絕塞持纓者此日遙臨何處臺

登滇城觀兵

張佳印

城上西風落客衣炎方木葉未全稀高臺寒竝方  
旄立列嶂青從睥睨歸壁壘秋聲傳夜柝昆池烽  
色半魚磯王師何日收新郡徒倚浮雲正北飛

署中秋懷

張佳印

吏隱常依一畝宮案頭幽鳥坐秋風樓高散帙青  
天上露滴繁花綠樹中小室會心無遠近轉蓬隨  
地可西東虛慙絳帳橫經日空使諸生侍馬融

又

蕭颯孤城木葉秋日南天畔好登樓尊開黃菊香  
堪把峯擁朱欄翠不收詞賦何如金馬使歌鐘亦  
接武陽侯羈棲獨抱雙龍匣風雨常令海上愁

過哀牢故縣

郭春震

驄馬南嘶欲曙天哀牢城外吐蕃連空江暮雨沉  
虹隱古洞春流雜蜃涎高下人家多傍箐尋常客



路半侵烟相逢莫笑無拘束藉草看山亦自便

送黃待御按雲南時方用師 王世貞

客有乘驄白玉羈從天六傳下諸彝昆池水習三  
千艦益部霜驅五月師飛檄春農歸耒耜停車夜  
壘散旌旗甘泉實已垂南顧尺羽能令奏計遲

送黃侍御申按滇南 李攀龍

久矣乘風瘴癘開西南萬里壯遊哉登臺越嶠山  
形合攬轡昆明秋色來周禮職方天外盡漢臣封  
事日邊迥征蠻幕府今凋落安得樓船下瀨才

送豐城杜少府謫滇南 李攀龍

共惜投荒萬里天當朝起草事空傳王恩綠鬢神  
仙尉客夢青雲侍從年盤水秋帆開瘴癘黔陽春  
樹隔風烟孤臣自有豐城劍遙夜思家向斗邊

答張肖甫移滇臬 吳國倫

七子翩翩共鄴遊座中君豈減應劉浮名顧影驕  
堪失拙宦藏身老漸收望裏使星移益部書來春  
雪蒲楊州故人淪落無須念未死能寬薜荔愁

送周憲副之雲南 吳國倫



主恩君已三持節益部聲名異日傳漢署共瞻驄  
馬使彝荒今上白猿篇嚴旌晝指昆明日憲府秋  
開越嶠天好見折衝樽俎上近來南國並風煙

送毛檢討起貶雲南幕僚

吳國倫

乾坤慘淡干戈裏封事終軍拭淚題苑道夜乘中  
貴馬關頭朝聽逐臣雞盤江瘴暝桐花發黔嶺雲  
深鶉鳩迷魑魅如逢休代荅賜還應有漢宮泥

送莫文學滇南典試

吳國倫

橫經雅化諸生範捧檄俄趨萬里遊天盡西南標  
漢柱山懸金碧護梁州文名却借青氈重國士應  
同白璧收不是千金增一顧誰令荒服共驂騮

送段虛舟還滇

尙書嚴清  
昆明

七載離鄉客思盈那堪兩見故人行劉郎觀裏桃  
空發郭隗臺邊草漫縈素志肯遺酬國願白頭暫  
慰倚門情君歸我滯誰爲伴萬里秋空共月明

寄合川龍君

嚴清

風雨綈袍自不寒白頭按劍見交難憐予更問金  
陵道念爾常看玉案山抱病有時還載酒裁書無



復慰加餐翟公門雀今多少此際何人數往還

螺峯春遊

知縣 辛聯芳 昆明

山光野色叢青玉石磴梯雲頻曲曲松分細語入  
瑤琴竹搖翠影侵碁局枝頭紅紫淺間深陌上笙  
歌斷復續好將詩酒荅年華莫遣花神笑人俗

滄江懷古

馬繼龍

孤江鐵索跨長虹鳥道從天一線通樹響龍來陵  
谷雨山空猿嘯石樓風百蠻南詔襟喉地萬木荒  
祠鼓角中象馬何年歸貢賦土人猶說武侯功

水目寺

閃應雷

此水相傳卓錫泉不知宮殿自何年殘碑半護雲  
山冷古木平臨海月偏曉起烟霞迷下界夜深鐘  
磬落諸天我來拂坐曇花側萬壑松風拄杖邊

蕉溪寺

閃應雷

翠擁芙蓉萬疊來招提遙在碧山隈潭邊花發春  
常駐洞口雲寒晝不開自是彩毫工作賦那堪蠟  
屐滯登臺憑君話却溪岩勝客路東風首重廻

登繡嶺望點蒼山口占

閃應雷



山行盡日雲霄裡天際俄開十九峯立馬乍疑青  
漢接振衣翻覺翠烟重垂垂銀溜千崖雪颯颯晴  
濤萬壑松勝槩可容圖畫得不禁清嘯墮芙蓉

獅山懷古

劉懋武

閒來縱目萬山頭懷古悲歌不自由燕市兵威從  
北振金陵王氣付東流龍顏去國八千里鶴髮還  
朝四十秋往事未須論得失楚弓還見楚人收

汪繼坪武舉邀遊圓通寺暮歸 俞汝欽

挈榼多君到上方臨崖敞酌險無妨院畱魏野曾  
調鶴園列黃生未此羊老樹挾風聲獵獵暮烟接  
海氣茫茫放歌不覺歸來晚可似當年點也狂

武侯祠

陳儒祥

孤祠寂寞倚空山俯仰乾坤感慨間漢賊未亡終  
兩立將星不墜肯偏安全收間氣追三代遠著威  
聲鎮百蠻仰止不勝興寤嘆白雲漠漠水潺潺

迎旭閣

張學懋

松筠蒼鬱轉青蒼鈴閣崢嶸攬曙光廣漢神臯窮  
越巋遐荒天險屬蘭滄龍山潤發三關雨雪巘寒



催八月霜退食豈儒縻歲月觀風應自媿臺郎

登太華山觀昆明池

徐中行

陰陰松栢隱香臺的的晴波萬頃迴仙掌遠從西  
嶽出神池忽似上林開鏡中斜日搖金刹天外飛  
霞送酒杯共憶樓船曾賜宴新詩不數漢臣才

雄川閣

方 沆

高閣憑虛混太清西南形勝帶昆明望來湖勢浮  
金馬似有秋風動石鯨岸濶帆檣當檻度夜闌星  
斗入盃傾相攜漫擬校乘筆八月觀濤賦未成

西華洞

方 沆

巖扃遙出碧雲隈勝日同心載酒來幽澗暗通春  
水細平川晴映夕陽開招尋石室金光草徒倚仙  
人白玉臺天畔不能祛物役移尊處處坐莓苔

又

名山有洞鎖烟霞出郭尋芳白鼻騮石乳參差垂  
玉樹丹臺宛轉吐蓮花倒看絕壁雲疑墮坐嘯千  
林日未斜共惜春光漸流轉何妨歸路集城鴉

宿呈貢分司偶感

方 沆



霜臺旅泊又他鄉一鏡昆明對渺茫戶外浮雲含  
遠嶼巖前爽氣入虛堂春深驅犢村村急雨後鳴  
鳩樹樹忙晝靜空亭成吏隱何妨坐嘯引盃長

泛昆明池懋羅漢寺

薛夢雷 福唐

昆明池上碧山頭此日登臨霽色收烟繞佛燈蘿  
薜洞雨來官舸杏花洲危崖絕頂浮金馬巨浪中  
流起白鷗千頃風波堪縱目誰憐身世轉悠悠

送沐都護西征

薛夢雷

傾城士女擁行旌都護爭看出漢營開鎮十朝雄

將畧登壇萬里肅軍聲白猿玉劍秋霜淨朱鷺金  
鏡夜月明不待華山歸馬日彩毫先爲賦西征

秋日遊湧泉寺

布政 郭 棐 番禺

天開寶刹凌雲出地湧珠泉抱寺流龍氣光銜祇  
樹曉鶯花紅映綺園秋共凭菴盡調鸚鵡醉倚闌  
干望斗牛笑問巖前飛瀑水幾時還作曲觴遊

登太華山寺

郭 棐

南甸名山雄寓內諸公佳興共彝猶會探滇海無  
邊境先向華峯絕頂遊四野黑雲山似墨滿天紅



雨客登樓此中氣候由來早六月涼風恰是秋

過華亭寺讀方子及碑

鄧原岳

載酒尋僧席屢移春山何處不相宜琉璃影散天  
花落金碧光搖法鏡垂地近西方開竺國烟消下  
界瞰昆池栖霞片石應堪語苦憶南朝江總持

昆明泛舟宿太華山縹緲樓 王士性

登山臨水爲誰留蓼白蘋青起暮愁萬頃濤聲行  
木末千尋嶽色倚池頭石鯨不見秋風動金馬來  
追夜月遊柯限乾坤蕭瑟意依然縹緲一飛樓

姚安道中

鄧漢

山霧四塞烟霏微林深箐密人行稀蜻蛉川北日  
初霽弄棟城頭雲亂飛映水鳧茈故寂歷迎風雀  
麥相因依故鄉節候復誰記五月南中猶袷衣

一塔寺

謝肇淛

靈鷲西飛積翠來阿王孤塔尙崔巍半巖雪照雙  
林曙上界鐘催萬戶開天際葉榆衣帶水雨中禾  
黍錦雲堆憑虛未盡登臨興更上翻經百尺臺

雞足絕頂

謝肇淛



旒梯鳥道翠微連雲塔孤標日月懸禹服山河開  
六詔上方雲木接諸天金沙雪嶺千重色寶甸神  
州萬竈烟欲借罡風明羽翰化城深處息塵緣

送謝在杭之滇

徐燏 閩人

彭蠡湖邊惜解攜星輶遙指夜郎西天書日下銜  
丹鳳山色雲中見碧雞南甸諸蠻金裹齒東方千  
騎鐵蹄蹄官閒到處堪吟嘯洱海年來靜鼓鼙

又

黟縣金紫已垂身六詔分藩簡重臣文比王褒堪

奉使詩工謝眺動驚人雲光五色皆成彩天氣經  
年總似春手板支頤朝爽入點蒼如黛絢嶙峋

湧泉寺和韻

僉事王大謨 廣濟

倚閣祇林步屨幽一時樽俎見名流清涼晝湧諸  
天雨飛瀑寒生萬木秋蓮社可容蘄淨土客星應  
擬泛牽牛吾曹莫遣微官縛何處風塵不壯遊

文廟齋居

王大謨

風雨霏霏落木秋深堂殷殷暮烟收篝殘恰有花  
隨影更漏猶驚鳥顧儔萬里人文開北極千秋吾



道自東周羣公賴有馨香薦五色雲生古益州

青華洞

萬嗣遠

風輪地軸鬱蕭森會育生成洞壑陰五月鮫人舒  
海氣九天龍女布潮音秦時雞犬誰真幻禹穴烟  
雲自古今我欲探奇入深處恐驚仙侶訝塵襟

登呈貢望海亭

督學 范允臨 吳縣

他鄉寥落獨登臺夜月琉璃玉鏡開蜃氣曉侵青  
嶂合山形羣擁翠鬟來行杯落葉尊前度孤鷺哀  
鴻天際回漢武樓船空想像只今誰是濟川才

海寶寺亭子

游一清

古木龍從帶葛蘿孤亭四望足烟波遠山有態堆  
青髻平水無風熨綠羅斷靄暮連漁火起片帆時  
挂夕陽過眼前無限供幽獨剩欲披衣紉芰荷

梁王山吊古

訓導 朱克瀛 晉寧

郡城東北古梁山百歲興亡似夢間迴輦已無當  
日路避兵空有舊時關夕陽影裏聞樵唱古木陰  
中見鶴還四海于今歸一統皇風萬里被諸蠻

雲泉寺

陳時雨



雲南通志 卷之二十一 詩 三  
路入烟霞一徑通春來幽賞叩禪宮雲開疊嶂千  
鬟秀泉浸方塘一鏡空花影樓臺閒白晝松聲澗  
壑滿清風潮音閣上詩懷壯沉醉騷人紫翠中

雲泉寺

蔣芝

古寺青松最上頭荒源白骨動邊愁石根僧定雲  
常護谷口龍眠泉不流日落草黃平淡淡風長溪  
碧去悠悠天涯杯酒成何事塞上音書漫未休

弄珠岩和韻

朱泰禎

朝來共作采真遊洛浦明璫曉未收欲掇芙蓉親  
木末行牽薜荔向中流一枝青玉懸鯨柱百樣龍  
珠結蜃樓安得如澗桑落酒與君重繫木蘭舟

雄文閣

朱泰禎

丹梅槩日遠浮天地小無塵挾紫烟詩思乍酣鸚  
鵡杓秋光先逼鷺鸞肩燃燈海市魚吹浪洗鉢僧  
還月在船應有文螭從赤豹窺人筆陣雨湖偏

葉榆道中暮春卽事

土官知府 左楨

花滿官途過眼斑尋幽策馬費躋攀古今野寺藏  
雲樹南北邊關壯海山蜃作水樓時出沒龍吟春



雨日潺湲晚來瀲灩開天際一半斜陽鴛浦間  
本朝

寄滇南彭禹峯方伯

尚書 龔鼎孳 合肥

得時鷹隼豈卑棲行省威名播狄鞮  
屐折圍棋千帳靜檄成橫槊萬山低  
軍中轉粟青天上使者論功大夏西柔  
遠古惟恩信重年來象馬倦霜啼

中秋夜闌中分韻

張一鶴

舉杯邀月向忘眠况值浮踪遠在滇  
滿座人文流翰墨中霄河漢淡雲烟  
星搖塞外龍蛇幟露冷江

邊蘆荻船聞道弦期洱海異幾時一棹看重圓

海

月十一月廿五重圓

交水

彭而述

歷盡巉巖更着鞭忽逢水國見桑田  
時光乍可如三月風物依稀似潁川  
幾處茅蘆攢葦岸一隄楊柳帶城邊  
雕弓挾彈誰家子手擁紅粧馬上旋

滇中送楊拙菴之秦

彭而述

別離况復在天邊異國關情倍可憐  
歲月八千開蜀道山河百二紀秦川  
溪橋飲馬催黃葉野店停



車問杜鵑屈指征鞍春色裏人來多在鴈歸前

遊鸚鵡寺

彭而述

萬木陰森帶夕暉更兼薜荔罥征衣丹楹也解留  
叢桂雲館何年種紫薇曲磻時邀麋鹿過落花偶  
傍鷓鴣飛天涯兄弟今宵月跨馬應須爛熳歸

別滇中僚友之官粵西

彭而述

滇雲歷盡見嶺岼九郡還從嶺外看此日西南成  
內地大朝符璽本流官千山盡角荒城暮二月春  
風客路寒薄海爭傳文帝詔尉佗早已繫長安

昆池雜咏

李恕

南詔山川古戰場書生騎馬逐斜陽八千里外風  
前樹十九年來鬢上霜禮佛未除生死業去官還  
繫利名韉可憐臥聽銅龍水流到三更月正黃  
長至圓通寺賀

萬壽

按察許纘曾華亭

梵王樓閣倚長虹貝闕金幢象輅通玉洞乳垂巖  
笄綠霄梯雲湧石蓮紅幾盤天界春回磴百尺濤  
聲翠捲空爲報山呼松下出萬年佳氣隱青葱



登獅山

顧岱

武陽城外舊山阿，遷客登臨感慨多。  
曲磴路通前代寺，幽花香散古藤蘿。  
隨風鐘磬流清漢，遶殿松杉漾綠波。  
不是孟陽饒逸興，幻身應屬老維摩。

又

遍石尋幽山路遙，崔嵬天外插孤標。  
樹封羅婺三台雪，氣壯金沙萬里潮。  
到處雲根臨斷岸，自然松梵和清濤。  
徘徊四望空塵世，何日春暉破寂寥。

又

曉上晴巒作勝遊，更深猶未下山頭。  
小橋客渡春雲晚，絕壑僧歸到院幽。  
好月自來頻勸酒，悲歌隨地起新秋。  
回看危閣層霄上，寂照燈光處處流。

登獅山和韻

彭蠡

春晴載酒過岩阿，鳥道紆迴亂石多。  
十室散依新壁壘，諸峯高掛古烟蘿。  
山連越雋雲常黑，水下金沙海不波。  
老檜那知僧入定，虬龍風起怒相摩。

又

郭外青山十里遙，峻嶒天際插孤標。  
千岩樹色晴



看雨萬壑松聲夜聽潮早燕忽來飛鼠岸春鶯啼  
亂掌鳩濤幾年勾漏思投劾賴有真僧伴寂寥

又

十年素韃走風塵此夕禪關月色新古樹寒鴉催  
晚照高僧小饌入春蘋漁燈渺渺搖空翠暮草芊  
芊暗野燐夜靜主人情不竭飛觴唱和見天真

吊楊公

馮 甦

西山旌節舊登臨廟貌長依祇樹林百尺梅根畱  
勁骨一泓潭影照孤心春秋僧在香常熱風雨魂  
來蹟易尋往事全非休痛哭芳名青史不銷沉

岩泉古寺

袁肇繼

茂林深處隱招提岩下流泉共止棲清水一泓禪  
性寂閑雲萬片悟心迷花開幽徑隨時發鳥落空  
山盡日啼習靜老僧如有約相邀徐步看前溪

西巖龍泉

馮 甦

山石嶙嶙疊萬重石間雙溜忽溶溶風過亭午聽  
嘶馬日到初辰重賽龍灌溉論功頻抱甕登臨有  
興謝扶筇倚欄一望增悲感烟火于今少素封



又

桃李花殘綠滿谿春郊竟日聚輪蹄蠻方暑早人  
爭浴村落民家酒自提乍看彎弧思射虎更聞語  
怪欲燃犀滄浪高唱同漁父渾世分明教涵泥

觀音巖

張聯箕

攬勝層巔擁翠微諸天環拱日重暉泉光浮動蒼  
蘿徑山意低垂白板扉萬樹鳥聲藏葉囀半巖花  
雨逐風飛公餘得覓幽棲境竹塢雲深僧自歸

遊清溪洞賦呈王在茲田綸霞雨中丞

總督 范承勳 瀋陽

洞壑西南徧已搜爭知黑箐亦丹丘雪泥細馬穿  
林濕風籟溪橋戛玉幽篠砦自來銅作鼓仙家雅  
好石爲樓熒熒松炬芝房曲清晝渾宜秉燭遊

又

十年戎馬燧全消髀肉還生鬢已凋敢以貴遊驕  
礪戶每懷逸興託漁樵雪山入畫樓空倚月洞浮  
春梅漸飄孰謂無雙僑更胼並紆嘉策事

神堯



和韻

巡撫田雯

選勝徧從獠箐搜  
偶來駐馬揖浮丘  
林深花逐籃輿轉  
山老雲埋洞壑幽  
曳杖僧調松下鶴  
當風人立水邊樓  
戎戎南雪清溪曲  
乘興疑同入剡遊

又

風暖泥融雪半消  
經冬木葉未全凋  
須停鼓角聽山雷  
莫以車徒溷野樵  
棘鳥羽于溪口浴  
梅花鬚向客中飄  
採風更入前山路  
六詔村深誦

帝堯

和韻

巡撫王繼文

乘興相將神異搜  
翩翩車騎入林丘  
溪橋春駐花還發  
石窟雲收山更幽  
峭壁離奇懸玉笋  
盤崖詰曲幻蜃樓  
炬光洩出乾坤秘  
珍重詩囊紀舊遊

又

蠻烟盡是彩雲消  
驄馬重來興未凋  
豈爲冶遊攜竹杖  
多因問俗狎松樵  
風翻石隙雷爲動  
雪入平林梅正飄  
握手還從樓上望  
遙遙萬里樂

唐堯



遊連然湯池

巡撫石琳

和風澹蕩裊晴烟聯轡江雲擁馬前  
着屐尋山探奧域停車問俗樂  
春田溫流謾訝神功力暖律誰  
叅造化權願得臣心皆似水更將  
此處作廉泉

太史祠

石琳

爲訪名祠花柳春遙先憑軾後停輪  
山崖侶借高賢著碑碣重瞻隔代新  
忠蓋終難回日月文章猶足動星辰  
聖朝採輯編年史亮節如公有幾人

雄川閣讀楊升菴先生碑客有指官渡太史

停舟烟舍遺址者詩以吊之

范承勳

閒尋古碣見公題猶說孤燈獨照犀  
老戍風烟金齒遠故鄉雲樹錦江迷  
停舟汗漫清波冷烟舍空濛落日低  
遙望碧嶢新廟貌千秋遺像在滇西

登陞山遊鐵封菴

范承勳

試馬陞山帶雨過還登絕頂探雲窩  
昆池波靜銷兵氣爨落烟生釀太和  
百雉望中雙塔小萬山孤處一僧多  
邊臣戀



雲南通志 卷之二十九  
關頰搔首直欲乘風振玉珂

謁楊莊介公祠

王繼文

大禮星垂七廟消時移猶自惜高曉雅宣文教南  
人服矢報君恩北闕遙天意惜才畱著述羣情結  
舌竟飄搖碧雞亦有王褒轍同是來滇義孰昭

又

百代綱維抗疏功摩天直節首推公名如得正身  
寧竄禮苟不渝道豈窮景物已隨陵谷改蒸嘗能  
使昔今同拜瞻靈宇淒清下遺像巍巍肅古風

于鼎臣方伯許元功廉訪王勛菴吳在公兩

觀察招飲五華山

李澄中

徑轉松林入翠微五華遙映白雲飛山浮嵐氣來  
杯酒風動湖光上客衣百戰關河餘舊壘孤城烟  
火半斜暉憑高莫起尊鱸想聊慰他鄉一醉歸

九日范制府斛山邀遊龍淙洞

李澄中

草色青青夜未霜天涯不信是重陽擬將杯酒澆  
楓葉况有簫聲繞石梁澗曲自應紅雨潤洞虛時



見白雲藏秋風鴻鴈無消息何處登高望故鄉

登太華寺大悲閣望滇池

時范公  
招飲

李澄中

香臺高擁萬山平無數烟雲澗下生  
杯底嵐光浮太華檐前秋色挂昆明  
空餘戰壘悲戎馬似有霜風動石鯨  
我醉欲畱歸路晚湖中鷗鷺棹歌聲

重九王撫軍在茲邀遊金馬寺

李澄中

迢迢層岡路欲迷深松方塔亂峯西  
又乘旭景來

金馬曾逐涼風上碧雞故壘幾經秋  
草沒荒城依舊夜烏啼登高謾說他鄉遠  
美酒茱萸尚可攜

遊溫泉作

李澄中

安寧城下木蘭舟秉燭攜筇嶺上頭  
檻外螳螂孤鏡曉樓頭風雨萬山秋  
埋雲古洞層層轉繞屋溫泉細細流  
信宿碧峯還別去清罇歌管莫相愁

遊龍泉用彭禹峯先生韻

李澄中

千山還翠擁孤亭把酒憑欄龍氣腥  
節過重陽畱野菊身經萬里笑浮萍  
芙蓉蕖半向霜前白樓觀深



含樹外青便欲尋師重問道何妨驂馬爲君停

歸自龍泉觀道中紀興

李澄中

斜日陰陰照野田青浮麥隴細生烟陟山遠勢斜  
連蜀龍渚分流盡入滇柳色孤村宜雨後梅花十  
月似春前明朝擬別千峯去回首同遊已判年

五華山

許弘勳

千山萬壑擁龍沙金馬碧雞峙五華閭闔昔年圍  
御校欄杆前後竟誰家蜀鵑帶月常呼鶩白帝當  
途已化蛇割據不堪回首眺新松新栢暮雲遮

圓通寺

許弘勳

圓通古寺樹盈千松栢青葱斷忽連或閣或樓或  
石屋在腰在足在山巔遙瞻昆水羣峯勝俯視春  
疇萬戶烟爲喜老僧饒韻致公餘招我一談禪

登妙高寺

許弘勳

車騎紛紛訪翠微躋攀汗雨不勝揮視來泉水穿  
厨入經過雲烟繞殿飛遠近峯巒環佛地高低花  
木護僧扉一聲清磬心俱寂徙倚山門嘯落暉

弔楊太史祠

畢忠吉



二百餘人撼廷陞公時笞謫氣猶新倡成璵萼乃  
如此釀醞豐巖難重陳兩世丰裁持正議七旬流  
浪泣孤臣從教六詔斯文幸賸馥殘膏潤遠人

又

碧關滇海雄流峙彷彿先生氣象同雲棟烟薨新  
故址裁蘭蒔菊挹高風可知異代流光在自有千  
年定論公遺像巋然瞻教澤潢汗蒞藻薦無窮

平坡舖

吳自肅

踏碎烟嵐渡遠峯喜從天外洗塵蹤松崖浪捲山  
同嘯茅屋雲流水自春無數獼猿爭撼樹一羣鸚  
鵡亂呼松若非絕徼身為客磅礴誰開萬古骨

永昌懷古

吳自肅

隆城雉堞倚雲開闢地曾經漢使來三齒烟霞隨  
劍佩五城風雨入樓臺翻書尙見功曹檄謫戍誰  
憐太史才祇覺頻年兵火後凋殘滿目動人哀

大理懷古

吳自肅

西南奇勝滿梁州滄洱雄封控上游張盛傳經開  
禮樂段蒙闢地自春秋獻花逸事高王塔寫韻才



名塵十樓祇有窮兵天寶恨萬人塚畔草含愁

曲靖懷古

吳自肅

經年底事已蹉跎使節重來感慨多郡吏書成新  
歲月燠人盟會舊山河浪聞檢校城何在虛說亭  
侯業不磨獨有龍門碑髣髴臨風憑弔一摩娑

澂江懷古

吳自肅

鳳儀山麓峙孤城入望仙湖照眼明澂玉草迷承  
相墓雲龍烟閉武鄉營菜花曾許遊人醉華藏還  
憐浦水清憑弔無從探往牒細將遺事問諸生

臨安懷古

吳自肅

煥文積翠傍樓開倚檻能令客思哀衰草離離旌  
義塚寒烟漠漠讀書臺烏麼地自元和闢建水名  
從惠廟來誰作當年三洞記臨風飛越幾徘徊

昆明懷古

吳自肅

畧地曾聞楚將雄苴蘭遺跡草湖東五華禾黍寒  
烟裡隻塔樓臺暮靄中望祀虛傳神可致疏流實  
見利無窮只今高眺螺峯上惟許長歌醉碧筒

五華山晚眺

丁焯 晉江



落日亭臯帶晚霞昆池沆漭望中賒東西寺迴懸  
雙塔金碧山明擁五華司馬經臺荒蔓草梁王苑  
樹起飛鴉風烟六詔還都會無奈浮踪苦憶家

遊鸚鵡山謁太和宮

丁焯

迤邐天門石徑危清都靈景到來移玉階春靜繁  
瑤草金殿風微閃桂旗仙磬響調鸚鵡語古松陰  
帶薜蘿垂迢迢忽動憑虛想借擬高真隻鶴騎

拜楊莊介先生像

丁焯

伏闕批鱗事已遙長存廟貌枕山椒賈生痛哭終  
辭漢韓愈文章總屬潮各世通家新纏藻風流遺  
像秀蘭苕從知浩氣歸天表空向滇雲續大招

遊羅漢寺

丁焯

選勝携樽就水涯名流雅集興偏賒清和似借蘭  
亭日縹緲疑乘星漢槎遠浦蒹葭浮白蕩上方臺  
殿隱青霞到來巖壑延幽賞且繫輕橈踏淺沙

又

攀躋絕磴造琳宮徙倚憑虛望不窮萬頃滄波海  
太極千峰翠黛簇遙空山腰龍洞澄寒潤天半鶴



雲南通志 卷之二十九  
笙韻晚風共惜登臨須盡醉歸帆漫指水雲東

臨安懷古次吳克庵學使韻 丁 焯

响叮舊國枕山開縱目憑高客思哀瘴草碧侵羣  
節暮野花紅暗撫蠻臺五邦地控交岡險三洞泉  
通瀘水來邊徼從前多謫宦景賢祠下幾徘徊

雲龍山真武宮登閣 丁 焯

亂峯環抱氣氤氳飛閣憑虛最出羣鳥道松杉千  
歲老鶴壇笙磬半空聞披襟涼愛南薰爽晞髮晴  
看北戶雲日南有北戶縣便擬投簪從帝子驂虬同謁玉宸君

過大鼎山海潮寺登閣 丁 焯

輕埃小息憑高閣灑滌湖光望不窮螺蚌珠涵孤  
嶼月虬龍聲吼老松風禪房竹密茶烟綠古殿經  
翻佛火紅謾向客中誇樂事聯吟清賞許誰同

臨陽紀事 丁 焯

內屬猶聞記漢年响叮風物甲全滇地經戰伐仍

千戶人沐詩書憶二賢明王景常韓宜可二公謫此文教始開赤仄

舊通交趾賦交人所用皆中國制錢烏蠻新罷保頭錢魯奎野彝



橫索村民名保頭錢近  
土葬受職此風稍息  
清和氣候鄉關似蚤愛荔  
枝鶴頂鮮

直力舖懷楊太史慎

馬天選

撼門抗疏豈爲狂竟爾批鱗戍遠荒翰苑坡仙窮  
嶺海漢廷汲黯老淮陽投囊絕句驚神鬼荷鍾豪  
情典驕驕試看行吟紛踏處山花山草有餘香

州城事卽

知州陸榮登

斗城四面萬山斜屋市稀微三兩家聽政席前迷  
瓦礫勸農詩上憶桑麻西堂慣夢春生草南浦貧  
栽日及花遲久日看青酒慢藥床書卷是團茶

西巖龍泉

趙士麟

小橋崎曲水重重遶樹春流出岸溶賤性迂疎同  
野鶩多才賡唱盡雕龍酣來索笑非關酒興到登  
山不借筇瓌骨珊珊時一浴碧潭未許白雲封

又

屏却籃輿徑度蹊奔龍不似紫驪蹄偕來童冠分  
蘭濯到處壺觴信手提野樹周遭藏倦鳥微波蕩  
漾動靈犀西山鈇鉏人爭樂一路茵花踐作泥



重陽後再泛昆池

庶吉士王翰

昨宵有約駕仙舟風雨俄然一旦收歌曲遙從天  
上落人家宛在水中浮荷香帶櫓搖黃葉晴日穿  
莎晒白鷗爲愛湖光觀不盡故遲明月醉芳洲

臨安懷古同家兄次吳克庵先生韵

丁焯

晴牕曉向署樓開城市蒼涼入望哀懷遠侯歸存  
舊裔讀書人去剩荒臺雲蒸交嶺驅寒去雨過元  
江挾瘴來小萬同時埋義骨傷心廢壘謾徘徊

雲龍山真武宮

丁焯

馬蹄蹀躞遶青郊傑構新看闢草茅絳闕平臨天  
北極丹樓高瞰日南交山深地隱龍蛇氣松老雲  
封鶴鶴巢安得栖真同羽客簑瓢長此挂林梢

遊清溪洞

丁焯

香臺突兀冠滇南破曉牽雲路始諳地轉清溪邀  
客步天開巖洞作僧龕懸泉溜滴曇花落虛谷潛  
通石筍澗何日重來捫古壁松烟蕤盡縱幽探

五華晚眺

丁焯



五華憑眺衆山低  
山色週遭翠靄迷  
萬頃滄波天上下  
一雙高塔寺東西  
武鄉廟貌寒鴉集  
黔國亭臺秀麥齊  
愁向孤城聞畫角  
夕陽歸路信驢蹄

拜楊莊介先生像

丁焯

大禮何人秉國成  
新都才子荷戈行  
難將濮議回天聽  
祇益坡公渡海名  
著就丹鉛細帙富  
寒來蘅杜碧滇清  
拜瞻遺像空延佇  
腸斷春山蜀鳥聲

遊鸚鵡山謁太和宮

丁焯

巖嶽分形氣象尊  
千峯如畫擁天門  
玉虛金殿香風滿  
仙葆神旗彩霧屯  
帶雨松杉凌漢碧  
呼晴鸚鵡向人喧  
到來欲問丹丘訣  
羽客冥心未肯言

泛舟昆池遊羅漢寺次雁水家兄韻

丁焯

九十春光似有涯  
追歡漫惜酒頻賒  
羽觴舊憶隨波詠  
越客初乘貫月槎  
夾岸新秧翻翠浪  
長湖孤鷺帶明霞  
名山到眼招禽向  
可愛青鞵步軟沙

又

絕巘弘開堯率宮  
薜蘿攀盡路初窮  
采真人去木



芝老聽法龍歸烟霧空倚檻千村團海色回颿一  
權信天風握蘭尚有前溪女笑底行厨早向東

安寧溫泉

王新仍 江寧

湛湛蘭漪澗底明火龍吹雨浦珠生照人寶鑑神  
俱爽沃我丹砂體欲輕昆水碧多流玉暖連然深  
處出華清須知萬里消塵垢滌盡炎氛在一泓

曹溪寺寶花

范青 上海

祖庭曾記說風旛贏得優曇散寺門青菡萏吹香  
有韻碧琅玕寫滑無痕分來少室憐同氣看到楊  
州恨不存怪底閏年葩二月此花元是月爲魂

滇中雜詠

程春翔 貴陽

昆明西出碧雞關野戍荒荒走百蠻雲擁點蒼千  
古雪路通緬甸萬重山段蒙往事興亡盡諸葛奇  
功戰伐閒見說蘭滄江更險橋橫鐵鎖水潺潺

登五華山

顧瑛美 嘉善

城抱崇岡俯鬱芊晴空四望色無邊風高沙麓收  
禾黍霧隔秋林出市廛諸葛尚畱新俎豆梁王誰  
記舊山川斜陽淡淡浮雙塔一碧昆明萬里天



螺峯月石亭九月

顧理美

衆山且就螺峯近多雨欣逢九日晴  
野外黃花開戰壘風中阜帽有詩情  
衲霞屏過雲如磴月石亭高水射城  
滯跡三年渾未識梁州襟帶况縱橫

泛昆池

范秉秀柳陽

萬頃波光一葦航中流簫鼓漫飛觴  
野田秋漲烟中刈漁網風腥柳外張  
幾處芙蓉疑洛浦滿湖葭菼近瀟湘  
風流千古袁宏渚宛在西南水一方

遊安寧雲濤寺

浦越喬橋李

林泉豈許埋榛莽新結花宮柳市南  
湍激螳螂聽萬響寺前水名雲生龍鳳峙雙嵐寺後鳳山寺前  
螳螂川從知灰劫百千億不改仙源七十三寺南諸洞大小共七十三  
如許亭臺占幽異天教奇境護精藍

遊華頂

釋本武陵

鳥道嵯峨挂碧霄捫蘿天外似扶搖  
半空瀑響飛晴雨萬樹松聲駕海潮  
嵐色忽開圖畫近海光初霽錦霞標  
回觀智者經行處更有何人渡石橋

雨宿雲龍準提閣和韻

四川僉事道劉彪



點點青峯過客遊到來風雨正新秋  
深林落葉排香徑疎竹寒花護石樓  
逸韻偶從清磬得閒心欲傍白雲休  
禪房一夕空山靜獨有溪聲屋角頭

前題和韻

楊中原

蒼巖白石快同遊一雨携來萬壑秋  
烟靄上方迷寶樹雲橫紕殿聳層樓  
好山何處尋支遁佳句從前憶惠休  
爲愛泉聲瀉碧落不辭崎路到溪頭

遊乾陽山

羅天柱

紺宇參差倚石根時生雲氣鎖山門  
湖光送碧環羣島烟樹浮青罩遠村  
陡徑朝晴猶帶滑幽巖日到始知溫  
當年豈是王喬過鳥跡猶畱綠蘚痕

登浩然閣觀海有感限韻

高翮映

碧波千頃落羣溪傑閣攢空洱水西  
柳影遊鑣鳴繫馬棕籬漁艇立連雞  
春風自我招携得秋月何人感慨齊  
此日元龍真可似罇前潦倒鷓鴣啼

唐天寶戰士塚

高翮映

不愁寂寞堊蠻鄉十萬雄師一塚藏  
未見松楸駟兔雉常畱荆棘擾牛羊  
要君相國虛傳捷諛世詞



人濫頌揚鬼域此中無女謁丈夫羣合自冰霜

寧湖舟晚

舉人袁起龍

恰值湖村入暮時扁舟泛泛欲何之晚烟乍暝蒲  
千頃新月初橫水一湄高岸火微通柳影隔溪春  
動響秋思此時應是漁龍睡縱有綸竿且漫垂

交水

朱昂

無數垂楊起大風雨痕吹斷夕陽空人家隱約桑  
麻裏山水冥濛烟霧中野寺晚鐘敲月黑戰場燐  
火亂星紅不知何事關吾意每到登臨感莫窮

雞足山

朱昂

地擁三峯萬里來天迴一徑迴崔嵬洗心橋向雲  
中度華首雲從定裏開石印金襴存古色霜侵銅  
瓦蝕蒼苔夕陽欲下鐘聲動夜半光生禮佛臺  
五言排律

唐

蜀中寄雍陶

馬又

會馬渡瀘水北來如鳥輕幾年期鳳闕一日破龜  
城此地有征戰誰家無死生人悲還舊里鳥喜下



空營弟姪意初定交朋心尚驚自從經難後吟苦  
似猿聲

詔放雲南弟子還國

鄭洪業

德被陪臣子仁垂聖主恩雕題舞鳳闕丹服出金  
門有澤沾殊俗無征及獫狁銅梁分漢土玉壘駕  
鸞軒瘴嶺蠶叢盛巴江越嶲垠萬方同感化豈獨  
日南藩

元

碧雞山

張雄飛

北闕辭丹鳳南雲看碧雞紫苔移玉座瑤草濕金  
泥雨霽龍歸洞風生虎渡溪尋梅穿竹徑採藥躡  
松梯白日依山盡青山入海低寄書無鴈過擇木  
有猿啼花映高低樹園分遠近畦飛星馳寶馬沉  
水吐銀猊魚戲蓮房北鷗鳴荻渚西長歌漢頌罷  
刻石紀新題

明

遊石寶山

楊慎

迴澗數峯合叢篁一徑斜翠氛林霧日斑溜碧橫



雲南通志 卷之二十一  
霞石棧重懸閣雲亭半蔽花薨頻驚燕雀窟迥錯  
龍蛇昏曉更天界陽陰竄物華檀施象數著幻巧  
鬼工奢千尺罨羅幕雙堆擁玉髻厨人羨綠笋溪  
客飯胡麻單袂春身健空山雨後譁諸天人不到  
來往白雲車

垂珠洞

章明德

誰斲混沌竅移向白雲隈曲曲通人徑飄飄入翠  
微猙獰雄虎豹吞吐孕風雷上下連鍾乳東西帶  
節麾綺雲盤石甲香霧擁金樞倒砌玲瓏玉高懸  
綿綉幃崑崙唾墜露石角老修眉鼉鼓清還越虬  
鐘纍且危砂床留石火丹竈偃朱灰乳突紆金瓜  
均堂飲玉醅翠幢紛絡索銀母半葳蕤錯落遊龍  
骨毳毼舞鳳威天光深處發爽氣暗中回隔此塵  
囂寂緣之吸坎圭悠悠三萬刻可以長春暉

龍首關

王明嗣

萬里雲南道壯哉龍首關氣吞西洱水勢軋點蒼  
山夭矯盤清秀蜿蜒躍碧潏地靈吁可駭天險邈  
難攀井絡稱雄鎮坤維倚大閑周章無六詔俯仰



了羣蠻聖代提封闕元戎遴選難度遼推世胄越  
嵩靖神姦虎節光推轂犀昆響賜環銘功崖畔石  
寧羨玉門班

送劉比部恤刑雲南

王世貞

輶車小司寇鼓吹黃金臺天欲南荒盡春還北極  
來泣珠恩自遠祝網面仍開貴竹披層瘴昆池暖  
劫灰客傳星使部人憶夜郎才不識秋鴻外新詩  
可寄裁

海洞奇遊

郭棻

天山何嶮岬石洞迴玲瓏玉髓明仙掌金波護寶  
容高岑雲半掩曷徑葢難通葉响長飄露林香不  
斷風摳衣聊躡屐呼侶且支筇嶽色行邊霽秋聲  
靜裏空諸天紛象馬四壁削芙蓉嵐翠沾衣袂杯  
綠搖菁蔥客子興不淺主翁情愈濃欲待看華月  
山城停暮鐘

叮嚀山

鄧原岳

灌木千章合巖花三月深泉聲盤嶺急雲氣結林  
陰駐憶方危蹙褰帷復遠岑嵐光添秀色靈籟發



清音不盡梭羅與其如汗漫心計程無百里問徑  
有千尋臃腫圍奇樹鞦韆語怪禽未須愁瘴癘頗  
已愜登臨西塞狼烟定南天鴈羽沉嘯歌還不廢  
聊此散煩襟

茶花百韻

有序

鄧 羨

滇茶甲海內種類之繁至七十有二其在省城  
內外者尤佳予以庚戌歲按部事竣駐省候代  
時值冬末春初此花盛開名園精舍間獲寓目  
爍日蒸霞摛文布繡火齊四照雲錦成帷信天

壤之奇觀也物之鉅麗也昔人謂此花有七絕

予以爲未盡厥美有十德焉色之豔而不妖一  
也樹之壽有經二三百者猶如新植二也枝  
幹高竦有四五丈者大可合抱三也膚紋蒼潤  
黧若古雲氣罇壘四也枝條黝糾狀似麈尾龍  
形可愛五也蟠根獸攫輪囷離奇可憑可枕六  
也豐葉如幄森沉蒙茂七也性耐霜雪四序常  
青有松栢操八也次第開放近二月始謝每朵  
自開至落可歷旬餘九也折入甌中水養十餘



日不變半含者亦能開十也此皆他花所不能  
全者因考唐人以前此花獨不經題詠以僻遠  
故不通中土遂使奇姿豔質淪落無聞近代有  
作率多不能爲此花傳神暇日因戲爲百韻詩  
一首牽綴比擬未免兒態庶幾爲此花吐氣傳  
之四方或有採焉

徧檢古人句山茶未得名形容應有待品價也難

輕此地本炎德在天疑火精芳非迎暮序爛熳及

元正宜壽如山木莊子經霜似女貞柔條牽百丈

老幹倚孤撐美蔭團松蓋新蕤怒竹萌重葩翮蔽

葉岐蒂總依莖接植人工巧土人植茶法用兩樹相接花始繁盛開

先品物亨光華分若木肌理細殷檀疊萼曾承露

豐苞獨嚮明叢深疑避蝶春淺未聞鶯次第開偏

久交紛壓恐傾巨於瓌碧醜圓若紫繁纓鞞綬交

垂綵綃紈乍染頰紅膚時綻甲赤相合居庚金也按

譜遺金谷邀歡卽錦棚流雲相點映射日更光晶

篋啓紅羅纈餐分紫石英摘鬚嫌斷線接葉愛連

瓔覽德冠稱鳳能言咏屬鸚火齊銜粉壁舍利到



金罍道士霞為帔佳兒錦作綳枝枝經纂組朶朶

薦璣珉漢苑裁何得隋宮翦不成深宜藏翡翠絕

欲眩鵙鵲摯虞鵙鵲賦云見水則喜觀火則憂步障褰華薄氍毹展

絳英影懸金較帶汗落錦斑駢似燄嘘丹竈為霞

燒赤城深玄同燕燕點血類猩猩繡羽懸雕籠朱

輝發短檠霜林搖翠葆海日浴金鉦錦水徐粼浪

鬻雲不作裏紅毬分綵索朱芾間蔥珩柳絮空傷

媚芝房詎足禎稱名根野薺奪色妬山櫻蓮或羞

泥汙葵空向日誠珠離酒泉柰密剖楚江萍質本

堅蒲柳香無取杜蘅道傍徒樹李庭院枉栽荆乍

可蘭為友誰言棣是兄繽紛異紅藥憔悴惜朱贏

菊名逾月遲萸落終朝惜薜榮古詩云薜榮不終朝詎稱霜挺

桂天台賦八桂森挺以凌霜何事雨移橙用杜詩嘉種雖分部

茲花合主盟杜鵑殊不類二芳記以杜鵑花配山茶鷓鴣敢先

鳴的皦披林影菲微散曉晴後凋仍早放霧繞更

烟縈閩婢空慚賤金鳳花楊妃別有情別種有楊妃山茶寶

珠光自溢整口韻猶清枝愛垂絲軟心憐卷瓣生

蝶翎看墜粉鶴頂似銜瓊茶品之貴者有寶珠墜口軟枝分心卷瓣蝶翅



粉鶴頂紅諸名一種皆稱美羣芳孰與爭嬌姿長似寤婷

質更如停露下啼粧泣風前舞態呈施朱嫌太赤

頽玉未辭醒倏似顰容歛遙當笑靨迎口脂香澤

傳眉黛遠山橫合德偕宜主娥皇儷女媧令人疲

應接有客更屏營倚處慚形穢看時恐目盲道德經云

五色令人目盲每當春澹蕩及此歲崢嶸節候佳南詔繁

華匹上京深紅間淺紫布谷復彌阬擢深蘭若底

枝遠映閉閣紛敷彌繡野徙植近雕甍竊慮霜威

入思將夏屋旰窺垣恒寂寂隔水更盈盈早沐緋

衣賜偏宜素腕擎助嬌斜寶髻充耳當瓊瑩賞玩

須歌伎吹噓借墨卿招搖多伴侶感愴易發學天

女貪分供園丁貴價贏每歲元日市賣此花供佛紅紫溢目出門逢

其麗曳杖陟曉崢婀娜隨烏帽飄飄墮兒飭杯盤

狼藉列車馬往來偵曉駐浮雲葢宵移玉桂箏佳

人理釵鈿貴客住干旌競作巡花使寧辭醉酒錯

舞謳徵穆護曲調擬清平舞袖淹同坐纏頭費從

伶攀畱思遠道折贈付來仵不遇神農錄空畱姚

魏聲紅顏銷瘴癘珍品失寰瀛安得移中土猶堪



慰此行棘僮應見慣楚客易心驚幾樹臨官舍三  
年慰旅程有時還獨倚竟日但空瞪盛極憂衰至  
憐深與恨并物華虛冉冉此意自怲怲坐撫琴三  
弄閒消酒一盛眠須攜枕簟狂或繞簷楹相賞無  
知己餘酣對老兵何心思北土有賦侈南征感處  
人千里吟當月五更未須怨搖落終許伴幽貞暗  
覺鄉園近深嗟世網嬰嵇含狀草木桂海志虞衡  
逸史奇應續新詩暇自賡屬辭深比興從此定佳

和鄧侍御山茶花韻

樊鼎遇

絳樹珍炎域瓊華僻異鄉春隨青鳥報曉闔赤烏  
粧四照珊瑚斲千珠韎韐光寶莖清露濯錦蒂媚  
風颺著雨胭脂膩衝寒火齊芒梅先羞冷儉桃渥  
謝儼莊隋苑虛雕彩楊園漫護香宣華貧競蜀碎  
錦陋矜唐帝藥丹砂益神膏紫玉房宵疑分夜燭  
晝恐亂朝柔美色嬌堪似酡顏睡更詳施唇迷上  
客啼頰誤蠻王爲雨飛滇水蒸霞曳點蒼柔絲傷  
織短踈靨爲顰黃散恨裁紅葉離情濕茜裳血深



悲杜帝粉淺泣何卽赭喙報鸚鵡朱絃挑鳳凰同  
心文杏閣比萼繡雲廊大小參鼎映晶熒日月彰  
蟠根千歲鐵刻藥百神觴遠漢留金鎖居彝局玉  
堂燒空終自焰嘯谷倩雲防貴種甘幽處姝容詎  
苟將此紅欺伐美披晝冠閨嬙南詔歲遲莫西京  
日邈茫遭逢襍襪子歌舞踏謠娘蠻甕酣醴酒羌  
筵剪蠟緗辭枝恨有色落地寂無傷那更陪銅輦  
空憐薦寶坊正元如列貢王會獎殊方奇藻不登  
廟英姿獨倚墻襯妍須玉檻洗色粲銀牀幹可齊  
溫室花廳壓建章龍旂揚大赤麟紱造斯皇朝射  
鴛鴦殿午烘朱雀珩妬深肥婢寵柔讓婕妤良衛  
薜皆焦萎羸茗亦董稂綺葩鍾火德艷質發天陽  
早秀能雕晚繁穠習故常且生妖冶謗翻以麗情  
妨翬借宮袍穩猩殷帝服昌公知宜閨苑誰爲載  
車箱零落春風陌淒其秋水塘并河通漢使叩竹  
得蠻商那茗移西土柘櫓費海航何如今園色猶  
復滯窮荒特闕王褒頌兼遺陸賈裝迷樓踈綺綴  
良嶽寢花綱託社材非散長門怨莫當孫枝稍度



嶺標格始浮漳不畏柔條雪驟驚殺菽霜懊迴珠

樹影羞近玉臺傍道路寧疲險風塵未易藏生懷

坡老慮蕪東坡詩云待得春風幾  
枝在年來穀菽有秋霜借得用修昂楊

修詩云海邊珠樹無顏色羞把瓊枝照玉臺初挂墨卿齒偏紫柱史腸

七粒佳品目十德罄游楊纂組思工瞻粲花論炳

煌菁華刊鄴架芳潤滿奚囊寫態真詩史看題動

酒狂神農增百藥侯史續三倉蕪蕙圖新寄斑姬

賦正倡錦工傳鎬邑天女薦燕疆色藉繡衣重名

因彩筆彰上林方被幸山木乍回慶悔不誅毛譜

應追戮許璫承明忻擘擘泣霧感浪浪解語揮姚

魏當杯選趙梁畫裙聯五祚纈裕近長楊樂晚培

文砌薰鑪惹綠洋小年催羯鼓獻歲讌猊觴顯色

禁中鶴分香園外狼何曾巢粉蝶更不坐黃鴛點

綴支機石翩嬛華子岡樂遊承翠葆恋賞閉蒼琅

拳密舒緞甲爭駢控紫韁朶堆七寶髻本植百金

償茗價評鴻漸芳林敢鶩行龜年來善闡鳳女嫁

苴咩譜牒真龍虎要盟失羝羊漸臺臨織室太液

近天潢繪實先書姓文心欲瀝益琰娥終入藻歸



雲南通志 卷之二十一  
妹復寧湯佩結紫鸞尾肌凝赤鴈肪纏頭學毳纒  
染面醉檳榔齊繪懼陳敗蜀綃啼遠忘神還愁瘴  
癘貌若急助勦燿火夜歸魯採絲投弔湘榮踰九  
錫蕙貞失萬年樞獻壽椒花日迎恩桃李場無心  
欺衆卉獨契表孤芳勒刻過千字停梭報七襄呈  
身裁繡段將信合珪璋把摘壘罇玩嵬峩鳳沼望  
俯臨大北勝低澁小南強華蓋臨天座榆珠倚帝  
閭蘭臺鷺鼓敬花掖鯨鐘鏘侍女香衾卷昭儀緋  
袖長朱纓趨劍佩卉服列苞萑爛熳石渠側溫濃  
玉署廂鹿銜來博苑象踏意蘭滄盡室逢知己惟  
澆顧建康

交水酌二川兄宅次日自馬龍東之

俞汝欽 楚雄

晤方一月少別忽十年餘再撥王生棹纔登戴子  
廬已憐隔千里還媿滯雙魚道義兼鄉榜嗟磨况  
尚書之才徒險路篤學暫幽居舊侶晨星若高情  
濁酒如共驚片時會獨訴半生迂遠俗惟携帙投  
峯只跨驢屢霜遜巖穴窮晝伴樵漁俯自澆漓後



雲南通志 卷之二十九  
遙觀混池初子淵瓢可飲大舜草甘茹憇樹旋移  
石泝泉便曳鋤每哀歐老軸不羨石家儲頓置冠  
裳念渾忘歲月徂謂能拋寵辱絕勝耀門閭此意  
原非矯斯言固不虛一朝願偶拂踰稔困難除重  
走天涯遍偏於世味踈人情非昔者吾道合歸與  
不効狼當道毋驚鶴在輿滔滔方舉世耿耿豈惟  
余誰挽長河水咸疏大地淤積薪願上賈曲突更  
憂徐使彼烽烟息恣吾嘯傲紆裁松環小院培竹  
影清渠倚檻調新鶴供觴煮嫩蔬需時任偃仰養  
翮待吹噓竊見每若此如非盍正諸辭從知己罄  
懷刊竹鄉舒欲睽仍繾綣旣別復躊躇尙想醇醪  
在猶疑鄙吝祛倘堪托鴻鴈定不惜瓊瑤

華藏寺

許 侶

倚杖陟層堦登臨極望來湖光浮玉鏡山色拱瑤  
臺野鳥飛來聚閒雲去復迴談禪僧院寂琢句雨  
花開滌竿回名沼旋車踐濕苔鶴眠亭集雪龍起  
水生雷景是江風舊人殊今古哀東南今際美沉  
醉莫辭杯



七言排律

明

平彝老人

何景明

平彝老人髮兩肩  
 哀哀淚訴語淚如泉  
 收斗粟輸田賦  
 日向諸鄰乞米錢  
 風雨饑寒趨路側  
 子孫流落避兵年  
 青春有伴難還土  
 白首無家尚戍邊  
 官裏征徭何日已  
 軍中苦樂古來偏  
 竟驚戰鼓心猶怯  
 臂中飛弧肉盡穿  
 獨去負戈巡夜砦  
 誰來銷甲種春田  
 敢愁溝壑填衰讞  
 只擬封疆息燧烟  
 我願麾前法唐將  
 籌邊有策到今傳

五言絕

明

漾備道中

童軒

流水點曲響  
 亂山重疊橫  
 行行天欲曙  
 立馬看雲生

平彝道中

何景明

岩懸雲自薄  
 山小路仍斜  
 古栢蒼松裏  
 參差幾樹花



和楊升庵立夏日三塔寺鐘樓韻

楊士雲

金界開蒼麓鱷魚吼海涯何日陀羅雨今朝簷葡  
花

玉局寺

楊慎

仙是青城客山留玉局名渾如故鄉地偏動故人  
情

宿鄧川驛

彭綱

風走落葉聲山犬吠不已披衣夜出戶明月照溪

水哭盡長橋寒恨迴聲

平山暮雨

邵敏

征途薄黃昏淒淒雨不歇扶杖渡山橋兩岸蘆蕭  
瑟

湖中遇雨

嚴清

太華雲凝蓋中流雨打船漁翁伏簑臥安穩下長  
湍

七言絕句

唐

雲

卷之二十一 藝文十

七



送人赴黔中

權德輿

一罇歲酒且留懽三峽黔江去路難志士感恩無  
遠近異時應戴惠文冠

南詔赤藤杖

裴彝直

六詔南藤色似朱拄行碯砌勝人扶會須將入深  
山去倚看雲泉作老夫

哀蜀人

雍陶

但見城池還漢將豈知佳麗屬蠻兵錦江南渡遙  
聞哭盡是離家別國聲

又

大渡河邊蠻亦愁漢人將渡盡回頭此中剩寄思  
鄉淚南去應無水北流

又

越嶠城南無漢地傷心從此便爲蠻冤聲一慟悲  
風起雲暗青天日下山

又

雲南路出海河西毒草長青瘴色低但漸攀躋漸  
披豁一時收淚聽猿啼

一本作漸近蠻城誰敢  
哭一時收淚羨猿啼



天威逕

高駢

豺狼坑盡却朝天  
戰馬休嘶瘴嶺邊  
歸路險巖今坦蕩  
一條千里直如弦

元

過果苴浪

清遠居士

山路陰陰木葉涼  
山村八月稻初黃  
野花零落斜陽淡  
隔澗人家煑酒香

明

華亭寺

張純

行過松溪與世分  
華亭樓閣映青雲  
何當海澗天高處  
長倚禪林作隱君

寄滇南諸人

平顯

林泉有約共投閒  
歸伴先生放白鵬  
昨夜夢覓清化鶴  
戛然鳴到碧雞山

寄滇中友人

平顯

夢入滇池卷白波  
密檀花發暖風多  
畫船總載江南客  
齊唱吳腔子夜歌

又



春水花明玉案山寶曇螺翠小烟鬟臨臯羽客空  
長揖不載清風鶴夢還

送王呈貢赴縣

李夢陽

二月扁舟過浙西楚雲何日度浯溪滇南小郭青  
山繞花發流鶯一樣啼

自通海江川之澂江贈王鈍庵並董西泉繆

礪溪

楊慎

通海江川湖水青與君連日鏡中行孤山一點衝  
烟小何羨霞標挂赤城

又

海螯江蟹四時供水蓼山花月月紅自是人生不  
行樂尊鱸何必羨江東

打牛坪

黃中

春曉驅牛獨抱犁綠簑烟雨鶉鳩啼分明一片隆  
中地移向天南作稼畦

感通寺

李元陽

渺渺寒山獨自遊松青雲白却相畱一聲長筵知  
何處吟落江門一派秋



象鼻嶺

李元陽

象鼻山頭下峽風  
鶴林還在翠雲重  
看花不覺行來遠  
回首青山杳靄中

五華山

張會

五華臺上望昆明  
淨練微茫似掌平  
故國欲歸歸未得  
海風山雨一齊生

又

仙子逍遙白玉樓  
醉騎黃鶴過丹丘  
紫霞縹緲凌風去  
不數周王八駿遊

圓通寺

張會

鑊壁嵯然擁紺宮  
曲崖石磴穿玲瓏  
何年脫下蒼龍骨  
至今鱗甲生秋風

夜宿太華

張佳印

石床橫架萬峯西  
海上雙珠入戶低  
自是山中無玉漏  
朝霞還有碧雞啼

又

萬點春星枕上生  
何來黃鶴向天鳴  
連燈十丈垂虹氣  
疑有金仙跨海行



又

焚香高臥太華烟鶴唳松濤夜不眠欲向此中尋  
住著海心月在白雲天

又

鐘聲一枕濕青雲松閣高懸樹杪分夜取大瓢收  
沆瀣峰頭持贈太華君

西郊卽事

張佳印

爭觀元戎事北征滇中男女亦傾城逆會久渡金  
沙水萬馬翱翔海上行

天出又

龍旂閃閃落霞紅鵲印纍纍大斗同漫向軍容誇  
將士從來軒鶴可臨戎

又

將軍世業舊登壇秋色蟬文擁大冠幕下紛紛齊  
擐甲不知誰似漢材官

又

中央玄燾指清秋夾道黃花照紫驪豹畧虎頭俱  
莫問生來萬里坐封侯



金齒道中

張佳印

叱馭何如鳥道難無名花向野林看雪山飛瀑雲  
齊落多少征人五月寒

又

古驛樓高雷雨鳴青山無恙夏雲生愁來江漢人  
千里落日風傳布穀聲

又

橫嶺雲盤石礮多芙蓉隨杖轉峩峩泉聲百道凌  
天出散作西南九渡河

林氏又於前題只賦

諸彝村落萬峰中駐牧分明漢俗同聞道近來租  
調苦安邊誰念昔時功

又

漾備江深江草齊江花開處鷓鴣啼博南矯首青  
堪摘霞氣猶懸萬嶺西

又

千江忽盡見哀牢野濶天空俯佩刀風雨驟隨遊  
客到雷聲吹散大江濤



賀周中丞敬松平隴

童正蒙

蠻烟起處咽悲笳十月天南雪不花  
漢相遙揮白羽扇乘風一夜渡金沙

石門

鄧原岳

層層迢遞水潺潺嵐翠淋漓杳靄間  
客子不知天萬里牽帷疑作建溪山

湧泉寺

鄧原岳

一逕青山十里遙白雲谷口坐相邀  
不須訶殿驚村女拄杖前頭只酒瓢

又

山隙流泉激雪飛石巖嵐翠濕人衣  
幡幢不動柴門閉日暮老僧何處歸

又

石邊水出忽濺雲飛瀑潄潄溪曲曲  
分試向蘭亭問陳跡風流還說右將軍

又

新釀真城竹葉青一尊相對共沉冥  
芒鞋踏遍雲山路笑倚山頭木末亭



清風亭

王諍

愛爾激江千頃波  
澄清撓濁定如何  
水心亭榭塵囂外  
莫似西湖涵綺羅

問俗亭

楊仲瓊

紫竹叢中秋有聲  
洱西月抱水晶城  
晚烟澹泊半江碧  
人在山堂理玉笙

觀音山驛

李本固

蕭蕭客館倚崔嵬  
不斷溪聲枕上來  
寒擁青綾眠未得  
起借山月共徘徊

歸化寺

張泰

竟日馳驅疊嶂間  
逢僧聊假片時間  
憑虛一望天如洗  
積翠瓏葱山外山

二忠祠

胡廷祿

金碧祠宮多樹林  
雙忠臺柏獨森森  
穹碑讀罷衣裳濕  
脉脉文山俎豆心

春日草堂卽事

胡廷祿

草堂今日是花朝  
酒不隣沽客不邀  
門竹井梧皆鳳所  
好因良夜一吹簫



龍泉寺

吳懋

溪上青山帶紫烟山中梅蕊早春天仙家春甕今朝熟來聽冷冷瀉玉泉

臨漪樓

胡縈

城頭高閣映澄湖一幅江山列畫圖郭外荷花深淺碧滿天秋色在水壺

安寧雲峯謫仙書院

黃祺

萬卷樓成綠水前玉堂人倚白雲邊草玄落筆三千丈風雨龍蛇動九天

又

海內知名已廿年舊山重樹兩依然詩成酒盡還為別雲樹江天起暮烟

榆城聽角

釋天祥

十年遊子在天涯一夜秋風又憶家恨殺葉榆城上角曉來吹入小梅花

本朝

七言絕

次楊林道中

編修米漢斐直隸典試



成樓蕭寺記曾經長短初過兩驛亭四壁漫嫌塵  
土積開牕欣見數峯青

遊西華洞

范承勳

風細瓊樓颯颯秋  
風細瓊樓颯颯秋  
蕤簫何意悞人遊  
依稀昨夢親  
曾到十二樓中第一樓

題聽瀑樓之壁

范承勳

空中樓閣石為椽  
何處老龍枕石眠  
領下有珠難  
睡穩喚將雷鼓駭晴天

龍淙洞

范承勳

水石和雲總不分  
雲穿石竇水穿雲  
世人未見桃花片  
浪說仙源是耳聞

題聽瀑樓之壁

王繼文

亭傍丹崖築數椽  
石門開處白雲眠  
不須風雨黃昏候  
自有驚濤吼洞天

又

斧痕豈是巨靈擘  
太古何人構此宅  
鯨口吐納天地腴  
潮聲暗走震山隙

龍淙雜詠

有序

范承勳



筇竹寺後荒嶺起伏無次出樵徑數里四山巖  
崒中得平地如掌龍泉一泓瀉入巖洞蜿蜒乃  
出放爲碧流數十折奔別洞注地爲湫聲善恐  
人相傳神物螫焉理或然也跬步間洞凡四五  
石樓窈窕若蜃氣吹空而幽折靚悄疑此中別  
有天地又童無蔚蒼鳥韻都絕唯洞房環珮玉  
聲璆然俄而琴筑互咽笙鏞迭奏紆徐却導暨  
乎巨響忽發歌鐘噲吹鼙鼓匊匊而衆音亂矣  
與諸君子顧而樂之爲商創數椽置守焉但茅

章茨石梁不損天趣雜樹松卉繁衍以漸其間林  
石布列尤詭喬莫狀爰擇其備樸者二命爲長  
俾以部署羣石曰屋曰樓曰溪此構之天者也  
以菴以亭以橋此續之人者也若石今始有名  
此天人參者也夫自洪荒來不知幾年歲矣無  
傳聞亦莫適主者固棄於人而得全於天者乎  
抑造物自秘惜以有待乎乃以不意遇何奇也  
物各予名各各予詩以志之

龍淙石屋

范承勳



偶步何心訪玉真欲捫牛斗上星津胡麻却怪來  
何處合有臨流笑語人

聽瀑樓

范承勳

瘦骨玲瓏玉珮寒幽琴鼓咽冷珊珊晴雷暗逐長  
虹竄天巧偏將俗眼瞞

墨雨菴

昔一師誦經龍夜往聽講時旱命雨  
以乏水辭師指視池水借之俄大雨

范承勳

夜掩柴扉偶誦經無端喚出古龍聽墨花飛處文

章大寫向虛空案字靈

一草亭

范承勳

誰家亭子把茆茨折竹還他曲木支席地幕天真  
快意旁風上雨亦何疑

宛轉溪

范承勳

撥雲攜杖費追尋驚觸垂龍入洞深人自直腸溪  
自曲愚公活水兩無心

石香橋

范承勳

紅是花光碧水光落花襯石石生香隔溪若有吹  
簫伴何必天台訪石梁



癩丈

范承勳

無言屹立不成眠  
來自媧皇紀號年  
深夜月明呼影語  
料應袖舞作狂顛

臥石

范承勳

平泉醒酒鬱林廉  
畢竟胸中有滯沾  
爭似此翁長坦腹  
更無些事上眉尖

小龍湫

范承勳

雁宕分來一片山  
搜奇謝客未經攀  
偶從西域逢東谷  
別有靈湫秘此間

小巫峽

范承勳

驚濤澎湃瀉空來  
立石分明灑瀕堆  
聞道三巴通禹鑿  
曾從蠻落把天開

疊前韻

田雯

龍淙石屋

谷口何緣訪子真  
龍淙古洞不知津  
一株松下三間屋  
羨殺膏盲泉石人

聽瀑樓

田雯

一道飛濤小閣寒  
晚霞斜照似紅珊  
池塘有句來



康樂鳥鵲無枝咲老瞞

墨雨菴

田 雯

晴日臨池夜講經一番風雨正堪聽老龍亦學吾  
儕事脫手神通墨瀋靈

一草亭

田 雯

水邊亭子帶茅茨略約溪通一木支為向棘花蠻  
鳥道往來相識莫相疑

宛轉溪

田 雯

山中藥草恣幽尋宛轉溪頭入徑深鴉髻童扶到

峯頂紅藤杖拄下坡心

石香橋

田 雯

山吐晴嵐水放光

用自香山語

行行人影又衣香一叢

菡萏橫波面兩隻鷓鴣立石梁

癩丈

田 雯

橫斜石丈枕溪眠磊落嶽崎不記年一揖呼兄松  
下立人言我是米家顛

臥石

田 雯

獨于山水不能廉屐齒苦遭泥絮沾雪後倘來尋



此石須隨馬耳露雙尖

東坡雪詩試掃北堂看馬耳未隨埋沒有雙尖

疊前韻

范承烈 潘陽

匹馬京塵中面目時時化緇得吾兄所寄龍淙  
雜詠廻環循諷令人體骨俱仙初不知清泉白  
石之同一覆載內也隨筆趣韻聊當神遊溪山  
之杖策未敢追隨風雨之聯牀俟諸異日

龍淙石屋

范承烈

信手拈來幻也真安從萬里探芳津只將一幅桃  
源記指點吟哦說向人

聽瀑樓

范承烈

駭奇我已不勝寒况復親聞珠玉珊不露天然真  
面目喜從絕世把人瞞

墨雨菴

范承烈

三間茅屋兩甬經瀑韻溪聲徹耳聽我法已離文  
字相何緣又借墨池靈

一草亭

范承烈

誰於此地剪荆茨仙吏還將鶴俸支豐樂每從喜  
雨得醉翁不在酒何疑



宛轉溪

范承烈

險灘勢欲百千尋  
面面湘帆曲曲深  
明月儻隨流水去  
素娥應費幾多心

石香橋

范承烈

仙履畱時尚有光  
瓊漿攜處至今香  
豈同坐月揚州夜  
一串驪珠一繞梁

癩丈

范承烈

巖花落盡草芊眠  
瘦鐵峻嶒不記年  
我愛楚狂狂敬我  
和伊併作十分顛

臥石

范承烈

他山更有石交廉  
丘壑耽奇意不沾  
湛湛碧流持作枕  
從伊穩臥亂雲尖

西華洞和韻

許弘勳

山水岩扉不記秋  
前人登眺後人遊  
王侯第宅殊今昔  
爭似仙家跨鶴樓

渡蘭滄江

吳自肅

蘭津江水迥無涯  
萬里雲橫不見家  
病裡偶然舒倦眼  
滿山開遍野桃花



天生橋

吳自肅

天生橋畔削芙蓉  
下瞰江流跳玉龍  
到此停車非好事  
欲從天末問奇蹤

滇曲

唐 泰

界入南滇迥不同  
一年天氣半西風  
杜鵑聲裏春猶淺  
吹遍人家落葉紅

哭黔國公沐天波

時爲緬  
酋所殺

陳佐才

戰馬嘶歸還漠地  
將軍枯骨在蠻城  
招魂惟有沙洲水  
日夜烏烏作哭聲

送客還金陵

張以恒

一聽驪歌倍黯然  
臨岐無物贈君還  
飽飡十九峯頭雪  
好過江南六月天

西華洞望昆池次韻

方正陽

空明望徹海天秋  
萬頃波光助勝遊  
雲外老仙何處去  
尚遺丹鼎在瓊樓



天生橋

吳自肅

天生橋畔削芙蓉  
下瞰江流跳玉龍  
到此停車非好事  
欲從天末問奇蹤

與古韻贊丹鼎并靈麩

唐 秦

峯與壁嶙峋  
天規萬象  
英光相照  
縹緲雲根  
參崑崙

猶淺酥蕪臥壁  
異巖交錯

式五題

應雲拔巖  
立南衣民天

時為緬甸所殺

陳佐才

以馮黜解羅  
傑然調如  
燕鴻飲  
香巖  
嶺  
秦  
惟  
成  
峯

容巖全刻

遊以卧



